

Isinulat ni: Edward Hughes

Inilarawan nila: M. Maillot at Lazarus

Ibinagay nila: E. Frischbutter at Sarah S.

Isinalin ni: Christine Cornejo

Alastair Paterson

Inilimbag at ipinamamahagi
ng Bible for Children
www.M1914.org

©2020 Bible for Children, Inc.

Pahintulot: Ang materyal na ito ay maaaring makopya o malimbag,
ngunit hindi maaaring ipagbili.



Isang araw, si Hesus
ay nasa tabi ng lawa.
Madaming tao ang
lumapit sa Kanya.

Ano kaya ang
gagawin ni Hesus?




Nakita ni Hesus ang isang bangka,
kaya Siya ay umakyat at umupo
dito. Ngayon ay maari na
Siyang makita at marinig
ng lahat ng tao.



Nagsimulang magkwento ng mga
talinghaga si Hesus- kwento
ng mga karaniwang bagay
na tungkol sa Diyos.



"Ang isang magsasaka ay nagkalat ng binhi sa kanyang bukid." Ang kwento ni Hesus ay tulad ng isang larawan na may mga salita sa halip na mga guhit.





Nalalarawan ng mga tao ang magsasaka na nag-aani. Nakakita na sila ng ganito ng maraming beses.



Ang ilan sa mga binhi ay
nalaglag sa tabi ng daan.
Woosh! Mabilis na
tinuka ng mga ibon
ang mga binhi.



May mga binhi namang nalaglag sa mabatong lupa. Sumibol agad ang mga binhi, ngunit natuyo agad ang mga ito ng mabilad sa matinding init ng araw. Ito ay dahil manipis ang lupa roon.



May mga binhi namang
nalaglag sa may matitinik na
halaman. Hindi sumibol ang mga
binhi dahil naharangan
ng mga tinik ang
kinakailangang
sikat ng araw
at tubig ng ulan.




Ang natirang mga binhi ay nahulog sa mabuting lupa. Makalipas ang panahon, sila ay namunga at nagdala ng maraming ani. Ang magsasaka ay naging masaya.




Sa katapusan ng kuwento, ang mga alagad ay lumapit kay Jesus. "Bakit ka nagtuturo sa pamamagitan ng mga talinghaga?" tinanong nila.



Sinabi ni Jesus na sa pamamagitan ng talinghaga,
maunawaan ng tao ang tungkol sa Diyos
kung sila ay nagmamahal sa Diyos.



Ang mga taong hindi nagmamahal sa Diyos ay hindi mauunawaan ang mga talinghaga.



Ipinaliwanag ni Hesus
ang talinghaga. Ang binhi ay
ang Salita ng Diyos.




Ang binhi sa tabi ng daan ay
katulad ng taong narinig ang Salita
ng Diyos ngunit hindi niya ito nauunawaan.

Inaalis ng
kaaway ang
mensaheng

kanyang
napakinggan.



Ang ilang tao naman ay mabilis tumanggap sa Salita ng Diyos. Sila ay tulad ng mga binhi sa mabatong lupa. Ngunit sa sandaling may dumating na pagsubok dahil sa pagmamahal nila sa Diyos, sila ay tatalikod sa pananampalataya.



Ang mga taong ito na nagsimula ng may kaligayahan sa pagsunod kay Hesus ay lulubay sa pagsunod sa Salita ng Diyos. Hindi nila nais ang kabayaran sa pagsunod sa Kanya. Nakakalungkot na mas gusto pa nilang bigyang-lugod ang kanilang mga kaibigan

kaysa sa Diyos.



Ang mga tinik
sa talinghaga
ay tulad ng

makamundong
alalahanin at
pag-ibig sa salapi
na pumupuno sa
buhay ng ibang tao.
Sila ay balisa sa
pagkakaroon ng
maraming kayamanan,
kaya't nakakalimot
sa Diyos.



Ngunit ang binhi na nahulog sa mabuting lupa at nagbigay ng isang magandang ani ay ang mga taong dumirinig at umuunawang mabuti sa Salita ng Diyos. Ito ang mga taong nagkakaroon ng bagong buhay at naglilingkod at gumagalang sa Diyos.



Hindi nais umalis ng mga tao. Maraming may nais na sundin at paglingkuran ang Diyos. Ang mga talinghaga ni Hesus ay nakatulong sa mga tao upang maunawaan ang pagsunod sa Diyos.



Ang Magsasaka at ang Binhi

isang kuwentong nanggagaling sa
Salita ng Diyos, ang Bibliya,

makikita sa

Mateo 13

"Ang bukas ng iyong mga Salita ay
nagbibigay ng liwanag." Mga Awit 119:130





Ang Wakas

Sinasabi sa kuwentong ito mula sa Bibliya ang tungkol sa ating kahanga-hangang Diyos na Siyang lumikha sa atin at nais Niya na makilala natin Siya.

Alam ng Diyos na tayo'y nakagawa ng masasamang bagay na tinatawag Niyang kasalanan. Ang parusa sa kasalanan ay kamatayan ngunit lubos ang pagmamahal ng Diyos sa atin kaya't ipinadala Niya ang Kanyang Anak na si Hesus na Siyang napako at namatay sa Krus upang pagbayaran ang ating mga kasalanan.

Subalit hindi nanatiling patay si Hesus. Nabuhay Siyang muli at bumalik sa langit! Kung mananampalataya ka kay Hesus at hihingi ng kapatawaran sa iyong mga kasalanan, papatawarin ka Niya. Siya ay darating at mananahan sa iyong buhay magpakailanman.

Kung ibig mong maligtas at mapatawad sa iyong kasalanan, narito ang isang panalangin na maaari mong tularan:

"Mahal kong Diyos, naniniwala po ako na si Hesus ay namatay para sa akin, ngunit Siya ay nabuhay muli. Tinatanggap ko po kayo sa aking buhay at patawarin Ninyo po ako sa aking mga kasalanan upang ako'y magkaroon ngayon ng bagong buhay, at sa isang araw ay makasama Kayo magpakailanman. Tulungan po Ninyo akong mamuhay bilang Inyong anak. Amen."

Basahin ang Bibliya at manalangin sa Diyos araw-araw! Juan 3:16

